

國朝耆獻類徵初編卷二百五十一目錄

僚佐三

王孫枝

宋基

孔毓恩

簡斌

雷克震
易方拔

曹耀珩

羅天緒

楊桐

黃飛遠

潘潔
周尙義

黃爾悟

任僕

李士藩

金煥

郭誌

譚又新

胡興桂
沈玉衡

顧開陸

李中

王作梅

李樹碩

楊縉

陳洪範

朱應瑞

彭璽

宋懷金

劉嗣孔

湯斑

國朝書目
卷之三
魏綰

王之麟

張應元
朱志鉅

華希閔

陳王猷

毛健

國朝耆獻類徵初編卷二百五十一

通奉大夫前署江西巡撫江西布政使司布政使湘陰李桓輯

僚佐三

王孫枝

順治初兵戈甫戢文教聿興於時齊魯之間有所謂東海社者六
郡魁傑之士多在其後奮跡皇路爲國名臣者多矣而長山王先
生桐實實有華路藍縷之功諸君子旣華貴接踵而先生晚貢於
有司僅官昌邑儒學訓導以歿王充有言操行有常賢仕宦無常
遇嗚呼其可慨已先生諱孫枝桐實其字別字歷亭始祖宣爲元
勳臣官忠顯校尉稱忠顯公始居長山累傳至邦治以文學贈處

州府推官子文林公化遠萬厯壬午舉人仕爲處州府推官子月雲先生雲郡廩生卽先生父也先生生而孝友至性過人十四失怙哀毀踰禮事母徐孺人以孝聞凡所以曲體母意者無弗至也奉母之暇出與諸名士論文角藝無閒晨夕先生顧廚之名旣徧於二東所居又當三郡綰轂之口諸公車騎往來率主其家至輒投轄閉閣流連窮日夜乃去家以是中落而先生不恤也其友如法方伯若真官江南宋方伯可發官東粵王侍御元曦官浙江蘇郡丞本眉官河東地皆膏腴先生卒不一至其後崔戶部誼之權關於杭以書招之乃一至焉會崔瓜期將代而額缺以爲憂先生慨然出橐中裝百金飲助之垂橐而歸不知其孰爲主客也其意

氣如此楊少保捷提督山東謀館師於予予以先生應少保以禮
延致命三子從受經先生出入幕府將吏皆承望顏色而先生自
授經外一無所干預少保顧益重之及其再莅山東也敬禮有加
焉晚得昌邑訓導視諸生如子弟誨之無倦自著讀書範文範讀
書程以課士俸錢所入輒置酒召諸生會飲供張甚設而饗飧恆
不自給嘗質馬羈以飲客明日以公事徒步謁令令訝而問之先
生謝曰偶然耳令密詢左右始知馬羈在質庫爲持錢贖之而戒
先生勿復然居數日客至不能具酒輒又質之他日令知一笑而
已先生內行尤醇備孝友無閒言同母姊妹四人兩爲撫孤畢其
婚嫁一適韓氏者丁亥賊謝干陷淄川勒紳士具名籍亂定獲其

籍多所連染韓與焉先生鬻腴產千金身出入軍營卒脫其禍從
姊妹三人育於母徐先生爲具匱貲如其姊妹姑適鄒平張氏有
二孤先生養於家延名師教之長萬綏成順治丙戌進士適畢氏
者孀而無依生養死葬皆身任之嫁其孤女徐孺人一日歔歔流
涕顧先生曰汝爲姑姊妹費且萬金家日落產日削汝獨不自爲
計乎先生亦泫然曰兒知慰吾母耳遑計其他崇禎庚辰歲大祲
藏粟尙千斛或勸先生出粟易數千金可贖歸腴田千畝先生不
聽乃計僕役佃戶丁口按日給散又賑給鄉里之窮乏者全活無
算而先生卒以貧約自終先生爲人誠慤平生無妄語亦不疑人
欺己與人交油油然不爲崖岸就之者如飲醇醪不覺自醉至於

任俠樂施予赴人之急如其私蓋其天性然生萬厯戊午正月二十日卒康熙三十三年甲戌十一月初一日得年七十有七元配李氏前卒有壺德繼配曾氏子二人積秬皆諸生能讀父書女子三人適李之增韓維憲韓維素孫男五人光佑光裕光耀光振光昌銘曰

骨肉恩衰爰及朋友先生挽之民德歸厚儒林獨行兩均不朽鬱鬱佳城保艾爾後

右墓誌銘王士禎撰

卷之五

五洲全書電報總匯卷之五十一 八十八 附錄

日曆三十二甲九十一

五刑樂下獄人之儆取其許蓋其天也然也萬國六千五百

宋基

君姓宋氏諱基字維德別號似齋世爲商邱人諸生貢入太學以候補中書外遷保定府同知尋攝南宮博野二令攝博野再閱月以疾卒官年四十有五君精練敏於吏事保定當三輔緊望號難治君至甫數月名實爆耀自天子大臣皆許以國器上官知其能檄赴密雲督建廩倉數百楹料木石估工值纖鉅悉當不帀月而工竣其攝南宮也披姦發伏吏民驚以爲神邑故有冗費千金令藉入私橐踵以爲常君至盡革除之吏以例告曰吾知洗手奉法耳邑西入村罹水災君躬自檢勘計畝代償逋賦民賴不困有某甲牒訟乙於官其理直及庭鞠覺其辭遁呼詰曰汝得乙六貫

錢欲爲脫罪耶甲叩頭服因笞而遣之是日邑御史鄭公延君飲笑謂君曰乙懼罪實賄甲錢四貫耳明府有神君稱乃誤斷兩貫其善撻發多此類博野缺令臺復檄君往以疾辭不許至博野泊聲如南宮疾寢劇遂歿老幼相扶攜哭縣門者日千人而南宮人奔君喪奠醖亦以干計旣而兩邑並請祀君名宦蓋君之試於事者小而惠利之及人亦近故事迹可紀者止此宋氏得姓久遠於商邱爲巨閥君以明福山令諱沾爲曾王父以大學士文康公諱權爲王父而今大中丞開府江南名犖之冢子也君旣家世貴顯顧能自刻苦居官補衣糲食有寒士所不堪者妻子不令至官舍男如金往省君怒罵曰汝來何爲汝視吾牀第閒有尺縑半緡長

物爲汝曹計耶遽遣之歸故其歿也肱篋不羸十金童僕一二輩視含殮嗚呼可悲也生以順治辛卯五月卒以康熙乙亥八月元配狄氏 封宜人壬辰進士官兵部主事諱某女與君同年生以吳君致羸疾後一年卒子男子二長卽如金次岐金俱庠生岐金連遭兩喪哀悴過毀一慟輒咯血數升未幾亦卒人或謂死孝云卒時年二十未娶君仲弟至奉中丞公命撰次君行述使來告窆期曰康熙丁丑十月某日告窆所曰文康公賜塋東南隅將以宜人祔請銘曰子爲我銘予聞宋氏之先有莊敏公諱纁者於君爲族高祖祖父明嘉隆閒名臣時爲之語曰南有海瑞北有宋纁蓋稱其廉介云嗚呼儻假君以年其樹立甯渠出莊敏下哉而用未

竟才中道摧折果命制之耶予見世之闡耳而尊顯且壽考者比
比也所謂命果孰軒輊之耶然而生有榮名歿而俎豆視世之尊
顯且壽考者所得孰多耶亦可爲賢者慰矣銘曰

孰畀其才孰隄其施乃止於斯以永其傳竈石有辭

右墓誌銘邵長蘅撰

孔毓恩

我二東拱衛畿輔爲 神京左臂屬部有六惟青州城隍險固而
山背河壯麗深闊實甲東省山則雲門劈駝之崒嶺河則陽水之
縈帶酈道元謂水出逢山北阜謂之陽水亦名繩水值夏秋暴漲
萬壑犇流與河合併注所謂長津激浪澎湃之音驚川聒谷以今
視昔未之或殊登堞俯眺怒潮西來衝岸轉石颿飛箭激跳避弗
遑常虞漂沒自義熙中作東陽城而水帶城陽逮天會中移治南
陽而水又環城陰引縵度岸縱約千尺礮石爲梁用通徒旅已千
餘歲於茲矣及故明隆萬兩朝圯而再復長橋屹屹商賈輻輳室
廬鱗次至 國朝康熙丙寅已經百有三載六月徂暑凍雨連朝

山瀑河漲蔽岸塞川而下浮槎敗蘆壅遏弗宣水伯憤恚力與橋
鬪七門巍然遂墮其三勢若頽山響同崩雷蹲象臥獅之石隨流
衝激碎礧數里而橋上之塵肆居毗俱逐波東逝矣河流滂湃簸
蕩城基行旅往來齋咨病涉因循五載值聖裔孔公毓恩以廉幹
之才來佐青郡乃慨然興歎曰城隍漫漶患及公家非義也孔道
熙攘利涉維艱非仁也工煩費鉅蒿目無筴非智也心維口授計
工量時有法慶禪林成行上人與公同憂共晝肉香燃指淚血告
佛不坐不臥時歷再閏復有信士卜夢麟等澡心潔體芒誠募化
於是閭浮大眾感悟讚歎佈金施粟積微成鉅公乃上憲背陬蠲
貲倡導大集羣工平礎方版鬪角鉤心固以灰塋束以鐵鐵截險

乘流呬呀邪許眾力偕作有同子來始於辛未之春成於丙子之
夏備值口稟之費通計萬有餘金穹窿洞門厥數仍七翼以雕欄
使行人有所憑倚鎮以龍祠俾水擘有所震懾巖巖宏敞望若崇
墉是役也不費公帑不擾民力舊觀頓還煥然更新非公之知人
善任力圖修復以固我巖城烏能建立鉅勳永壯金湯乎茲橋東
控登萊北走燕趙皇華之使臣宦遊之還侶方轂聯驪嗶嗶僦僦
聽殷雷之隱隣瞻長虹之偃臥罔不羨歎雄風指顧山河以誇東
秦之形勝至於北門鎖鑰晨關乍啟邦人士女衽接肩摩南北交
錯河橋成市真可以鞏青社維城之鎮合王制興梁之規固吾青
億萬年無窮之利也孔公攝守之日正橋功落成之時公乃授簡

於予命之爲記昔西平王李公晟作趙郡橋命張或爲銘御史陳公瑞作至德橋屬皇甫沔爲記予才不逮昔人願附公之宏猷以傳永久比於劉晃之詠通津趙嶷之賦揚瀾並爲繩水故事云爾爰系之銘曰

猗彼繩水其下建瓴秋霖夏潦萬壑競鳴電洩雷奔西來如瀉橋名萬年羈鼻犇馬寅夏雨霑怒浪排空鎖斷支祁柱觸其工潛蛟躩踞孽龍嬉戲鐵幢倏摧金隄立潰伐石重建人神叶謀七門穹敞潺湲安流長橋之上行旅紛紜騰崖跨壑赤霞天津仰瞻雉堞疊嶂層雲俯眺闔闔碁佈星陳長橋之下清泉明瑟挹彼注茲利我萬室時和年豐濯鼎蒸飮牛羊踰踰鷺鴨拍拍填海鞭山浮鼉